

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَوَّلُ رِسَالَةٍ تَكُونُ لَوَكِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman
Rohayu Ahmad
Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop
Dr. Nur Syamilah Arifin
Dr. Wan Munirah Wan Mohamad
Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid
Dr. Wan Nur Fazlina Abdol Jani
Noorashiekin Khalid
Mazni Mat Zin
Nurrul Amilin binti Zainal Abidin
Nurulnatisya binti Ahmad
Ts. Dr. Siti Aminah Nordin
Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran
Mohamad Hanif Bin Awaludin



SWIPE KAD, SCAN DUIT: MUAMALAT DIGITAL GENERASI MUDA

Nurfarhana Mohd Daud, Mohd Zainodin Mustaffa, Aemy Aziz

Hari ini urusan jual beli semakin mudah. Pergi kedai kopi, kita tidak lagi perlu membawa dompet yang penuh wang. Cukup dengan *scan* QR code atau *tap* kad debit, semuanya selesai. Generasi muda lebih gemar menggunakan cara ini kerana cepat, selamat, dan senang. Tetapi sebagai Muslim, pernahkah kita terfikir, adakah cara ini menepati prinsip muamalat Islam?

Muamalat dalam Islam bukan hanya tentang jual beli tetapi bagaimana urus niaga dibuat dengan adil, telus dan tanpa unsur haram. Walaupun menggunakan e-wallet atau perbankan atas talian, selagi tiada riba, penipuan (*gharar*), atau barang haram, maka ia tetap patuh Syariah. Contohnya ialah menggunakan e-wallet untuk bayar makanan halal dan buat pemindahan wang tanpa caj riba.

Generasi muda lebih gemar untuk *scan* duit disebabkan kaedah mudah dan pantas yang mana tidak perlu membawa duit kecil, semuanya melalui telefon. Selain itu, kaedah *scan* duit lebih selamat disebabkan kurang risiko kehilangan duit. Lebih menarik, sekiranya *scan* duit ada ganjaran yang diberikan seperti *cashback* dan diskaun selagi tidak mengandungi unsur perjudian.

Walau bagaimanapun, terdapat juga cabaran dalam muamalat secara digital. Memang ianya tampak mudah tetapi terdapat juga risiko. Antaranya ialah berlaku ketagihan berbelanja. Ini disebabkan kita tidak nampak duit yang keluar di hadapan mata. Kedua, kurang kawalan diri. *One click purchase* boleh membuatkan wang dalam akaun kita cepat menyusut. Ketiga, terdedah dengan penipuan atas talian. Terdapat banyak *scammer* yang semakin licik, maka pengguna perlu bijak dalam berbelanja.



Antara tips gaya hidup digital yang lebih berkat ialah memastikan transaksi mengikut garis panduan halal. Selain itu, setiasa beringat berbelanja mengikut kemampuan, bukan mengikut *trend* semata-mata. Pengguna generasi muda perlu cakna dan menggunakan perkhidmatan aplikasi perbankan Islam yang sah. Setiap sen yang dibelanja akan dipersoal, bukan sekadar di dunia, tetapi juga di akhirat.

Rasulullah SAW bersabda: “Sesungguhnya para peniaga akan dibangkitkan pada hari kiamat sebagai orang yang jahat, kecuali orang yang bertaqwa kepada Allah, berbuat baik dan berlaku jujur.” (Hadis Riwayat Tirmizi)

Kesimpulannya, “*swipe* kad, *scan* duit” hanyalah medium baharu. Hakikatnya, prinsip muamalat Islam tetap sama iaitu perlu bebas riba, adil dan telus. Generasi muda boleh terus maju dengan teknologi kewangan asalkan tidak lupa asas Syariah. Jadi, tidak salah jika hidup kita serba digital, asalkan hati dan dompet kita tetap halal dan berkat.

Rujukan:

Sinar Harian. (2025, January 12). Umat Islam di Malaysia semakin celik kewangan. Sinar Harian. <https://www.sinarharian.com.my/article/718084>
https://ms.pngtree.com/freepng/people-scanning-qr-code_8729307.html

